

Охират одамлари (танловга)

17:06 / 19.04.2017 2644

Бошдан тошиб ётар ғамлари,
Деярли йўқ бўш қалмоқقا дамлари,
Кўпи расво, ибодатда камлари,
Охират одамлари.

Канда қилар баъзан илиқ каломни ҳам,
Унутади баъзилари саломни ҳам,
Парво қилмай қилар баъзан ҳаромни ҳам
Охират одамлари.

Ота ғариф кўролмайин экканини,
Она санар қачон келиб кетганини.
Билмайдими қайтар дунё эканини,
Охират одамлари.

Гуноҳларга бошигача ботиб кетган,
Кўксидаги бир парча эт қотиб кетган,
Жойи чиқса виждонини сотиб кетган,
Охират одамлари.

Бозорларда қўрқмай ураг тарозидан,

Ёлғони кўп ҳақиқатдан рост сўзидан,

Фахрланар гуноҳидан, ўз-ўзидан

Охират одамлари.

Судхўрлиқдан нон топади ҳалол билиб,

Насиҳатни тингламайди малол билиб,

Савоб ишни ортга сурар бекор билиб

Охират одамлари.

Минг йўлини топиб ташлар зинони ҳам,

Имкон топиб ечинтиrsa дунёни ҳам.

Шу ҳақида орзуси-ю, армони ҳам...

Охират одамлари.

Ароқни ҳам сувдай ичар ютунмайин,

Тебранади шамол урган дараҳтдайин,

Хушбўй билар шишадаги бадбўй майин

Охират одамлари.

Фарзандин ҳам сўкиш билан тили чиқар,

Сўкишнинг ҳам кундан-кунга хили чиқар,

Ҳазил билманг, бу ҳазилнинг зили чиқар

Охират одамлари.

Яхшилик ҳам келмай қолар қўлларидан,
Нафси ўраб олган ўнг-у, сўлларидан,
Шайтонни ҳам оздиради йўлларидан
Охират одамлари.

Аёллари эр билан тенг олишар,
Борда билмай, йўқда доим нолишар,
Ўзни ҳар куй, бозорларга солишар
Охират одамлари.

Таомданмас, семирарлар ғийбат қилиб,
Охиратни эслатсанг гар, ўтар кулиб,
Беғамликда юрар нени сабаб билиб,
Охират одамлари?

Ибрат олмай боқадилар қабрларга,
Ўйлайдими бораман деб қасрларга.
Кун келади биз келамиз шу ерларга
Охират одамлари.

Кун ўтказар, тавбани ҳам ортга суриб,
Ўйламайди ер остини, устда юриб.
Тавба қилинг, жон ҳалқумга келмай туриб
Охират одамлари!

Қабрларга ёруғ юзла, шод киргани
Күпайтириңг Үша кунга захирани.
Жаннатларда бирға юрсак шояд, қани
Охират одамлари!?

Мағфиратнинг энг олийси Ўзингда жам,
Авғ эт, бандинг, ожиз Абдуллатифни ҳам...
Аллоҳ дейлик, ҳақ тарафға босиб қадам
Охират одамлари!!!

Абдуллатифдан